

15. gr.

187

9. nóv.

Nú eru aðstæður þannig, að veiðimaður telur hagkvæmt að gera gildirur eða skothún til refa- eða minkaveiða í landi annars manns, sem eigi stundar eða lætur stunda slíkar veiðar sjálfur, og skal veiðimanni það heimilt, en tilkynna skal hann ábúanda fyrir fram, hvar hann hyggst gera slík mannvirki, og skylt skal að búa svo um, að hvorki menn né búsmali geti hlotið mein af.

16. gr.

Hreppsnefnd skal halda skrá yfir öll þekkt greni í hreppnum eða afréttarlöndum hans, og gera stutta lýsingu af greninu. Vörður eða skotbyrgi skal gera við greni þau, sem þörf er á, og halda þeim við.

17. gr.

Brot gegn reglugerð þessari varða 200—1000 króna sektum.

18. gr.

Mál, sem rísa út af brotum á reglugerð þessari, skal fara með að hætti opinberra mála.

19. gr.

Með reglugerð þessari er úr gildi numin reglugerð um refaveiðar í Vestur-Húnavatnssýslu, nr. 204 20. sept. 1945.

Reglugerð þessi, sem sýslunefnd Vestur-Húnavatnssýslu hefur samið og samþykkt, staðfestist hér með samkvæmt 41. gr. sveitarstjórnarlaganna, nr. 12 31. maí 1927, og lögum nr. 56 25. maí 1949, um eyðingu refa og minka, til þess að öðlast þegar gildi, og birtist til eftirbreytni öllum þeim, sem hlut eiga að máli.

Landbúnaðarráðuneytið, 9. nóvember 1953.

Steingrímur Steinþórsson.

Árni G. Eylands.

REGLUR

188

11. nóv.

um meðferð og útbúnað gúmmifleytitækja á skipum.

1. gr.

Fleytitæki, úr gúmmibornum striga eða öðru svipuðu efni, skal hafa hlotið viðurkenningu skipaskoðunarstjóra.

Fleytitæki, sem þenja má út með lofti, skal haft á öruggum stað, þar sem fljótt verður náð til þess, og þess gætt, að það ekki skaddist í geymslunni.

Öll gúmmifleytitæki skulu skoðuð og prófuð á minnst 6 mánaða fresti. Þessa skoðun og prófun skal skipstjóri færa inn í eftirlitsbókina.

Enn fremur skal skipstjóri sjá um, að allir á skipinu kunni að fara með fleytitækið.

2. gr.

Þessi skal vera útbúnaður gúmmifleytitækja:

- a. Drýstiloftsflaska, með nægilega miklu magni af kolsýrulofti, sem fyllt getur fleytitækið, svo nægur þrýstingur verði í því, og til vara hæfilega stór loft-handdæla, sem fylla megi fleytitækið með á 5 mínútum;

- 188 h. 2 áraspaðar;
 11. nóv. c. rekakkeri;
 d. Bátsfesti úr nylon, um 100 metrar, hæfileg að gildleika eða um 16 mm í ummál;
 e. lína, fest um fleytitækið, til að rétta það við, ef því hvolfir;
 f. 2 góð vasaljós í vatnsheldum umbúðum;
 g. 6 stjörnublys eða merkjabýssa með 12 skotum, eða annað, sem jafngildir þessu og skoðunarmaður tekur gilt;
 h. 2 flothæf reyksmerki til dagnota, er gefa frá sér rauðgulan reykt;
 i. lítið glas með kamfórudropum eða öðru jafngóðu hressandi lyfi;
 j. vatnsilát úr gúmmí, sem tekur um tvo lítra af vatni eða lítilsháttar af næringaríkum mat, svo sem mjólk eða súpu.

Reglur þessar eru hér með settar samkvæmt lögum nr. 68 5. júní 1947, um eftirtil með skipum, til að öðlast þegar gildi, og birtist til eftirbreytni öllum þeim, sem hlut eiga að máli.

Samgöngumálaráðuneytið, 11. nóvember 1953.

Ólafur Thors.

Páll Pálmason.

189

11. nóv.

SAMÞYKKT

Framræslu- og áveitufélagsins Landnám í Seyluhreppi.

1. gr.

Félagið heitir Framræslu- og áveitufélagið Landnám. Heimili þess og varnarþing er Seyluhreppur.

2. gr.

Félagið nær yfir eftirtaldar jarðir í Seyluhreppi: Marbæli, Glaumbæ, Jaðar, Miklagarð, Hátún, Halldórsstaði, Holtskot og Geldingaholt.

Nú óska eigendur aðliggjandi jarða að fá framkvæmda landþurrkun eða áveitu og geta þeir þá gengið í félagið með því að undirrita samþykkt þessa, enda komi samþykkt lögmæts félagsfundar til fyrir upptöku nýrra félagsmanna.

3. gr.

Tilgangur félagsins er:

1. Að annast framkvæmd og starfrækslu á framræslu og áveitu á engjalöndum þeirra jarða, sem taldar eru í 2. gr., og koma í veg fyrir landspjöll af völdum vatna á félagssvæðinu.
2. Að útvega nauðsynlegt fé, sem framlag og lán, til að koma nauðsynlegum mannvirkjum í þessu sambandi í framkvæmd.

4. gr.

Félaginu er stjórnað af þriggja manna nefnd, kosinni af aðalfundi til þriggja ára, svo og varamenn þeirra, og einnig 2 endurskoðendur. Gengur einn maður úr stjórn félagsins á hverju ári. Tvö fyrstu árin eftir hlutkesti, og síðan í röð eftir starfsaldri ár hvert. Stjórnarnefndarmenn má endurkjósa. Stjórnin kys sér formann og gjaldkera og má sami maður eigi gegna þeim störfum báðum. Formaður boðar til allra funda og stýrir þeim. Hann sér um bókun allra fundargerða. Gjaldkeri sér um alla reikninga félagsins. Hann annast allar innheimtur og greiðslur eftir ávísun